

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया नितिं
लुमंका दिसँ ।

लक्ष्मण गजमाल 'चिलमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने



निष्ठानन्दयात लुमंका: थौया ई हने
प्रा. सुवर्ण शाक्य



अइलय महुम भाषा जवा:
स्वयम्भुलाल श्रेष्ठ!
राजा शाक्य

पुनर्जागरण अभियानया महारथी
गद्यगुरु निष्ठानन्द बज्राचार्य
शरद कसा:



हेमराज सिरपा: भाषासेवी लक्ष्मीदास
मानन्धरयात ल:ल्ला:गु ज्याइव:या थीथी लू
पेज ४-५

मस्त गुबलेतकक शिक्षापाखे वन्चित

येँ महानगर दुने स्कूल न्ह्याकेगु खँ अकं अन्यालय

लहना संवाददाता

कोरोना महामारी नेपा:यात प्रभावित या:गु नं ९ ला हे दत । वंगु दैया चैत्र ११ गते लकडाउनया इलनिसें स्वयंगु ख:सा आ: मंसिर नं क्वचाइथे जुइधुकल । व ल्याखं ९ ला पू हे वनेधुकल । आ: वया: सकसिन संक्रमणया जोखिमया दथुइ सामान्य जीवन न्ह्याकेगु कुत: याना हयाच्वंगु दु । फक्क सुरक्षाय उपाय नाला: थ:गु व्यवसाय, लजगा: न्ह्याकाह:गु दु । आ: वया: ला पार्टी प्यालेसय भव्य हे न्यायकेगु यानाहयधुकल । तर सिनेमा हल व स्कूल धा:सा न्ह्याकेफुगु महुनि । गुलिखे थासय स्कूल न्ह्याकेधुकु साँ येँ महानगर दुने धा:सा मन्ह्या:नि । येँ जिल्ला दुने नं तारकेश्वर नगरपालिका, चन्द्रागिरी नगरपालिका आदि थासय न्ह्याकेधुकु अवस्था दुसा येँ महानगर दुने येँ महानगरपालिका स्कूल न्ह्याकेत उजं मब्युनि । थज्या:गु हे अवस्थाय दथुइ येँ महानगर दुनेया स्कूलत नं चायकेगु तयारी न्ह्या:गु दु । स्कूल चायकेगु खँयात गुलिं अभिभावकपिन्स लसकुस या:गु दुसा गुलिसिन स्कूल चायकेत हथाय मचायत धयाच्वंगु दु ।

स्कूल स्थानीय सरकार अन्तर्गत वयधुंका: वर्तमान संक्रमणया जोखिमया अवस्थाय स्कूल न्ह्याके बीगु वा मन्ह्याकेगु धइगु निर्णयया भाला नं स्थानीय सरकारयागु हे जगु दु । गुलिखे



खतुं आ:या अवस्थाय संक्रमणया जोखिमया दथुइ सावधानी नाला: सामान्य जीवनय लिहावनेगु कुत: यायगु नं अप्ठ: भीके मेगु विकल्प महु । थुगु अवस्था आ:या लच्छि निला वा न्याला खुलां नं सामान्य जुइ थाकूगु हे खनेदु । व ल्याखं थुगु जोखिमलिसे संघर्ष यायगु जक मखु, थ: मस्तयत संघर्ष यायगु स्यनेमा:गु आवश्यकता नं ख: ।

थासय स्थानीय सरकार स्कूल न्ह्याकेगु अनुमति बीधुकल । यल महानगरपालिका नं स्कूल न्ह्याकेगु नितिं अनुमति बीधुकल । अथे हे खवप नगरपालिकाय नं स्कूल न्ह्याकीगु जुइधुकल । तारकेश्वर, चन्द्रागिरी नगरपालिकाया खँ चव्य नं न्हयथनेगु ज्या जुइधुकल । तर थव विषय येँ महानगरपालिकां छुं हे निर्णय काय फइच्वंगु अवस्था महु । छायाक येँ महानगर धइगु संघीय राजधानी नं ख: । देयन्कया मनुत थन मुनाच्वंगु दु । थन स्कूल न्ह्याकेगु धइगु लखौं विद्यार्थीत मुंकेगु ख: । थज्या:गु अवस्थाय येँ महानगर दुनेया स्कूलत अले

विद्यार्थीत नं अन्यालय लानाच्वंगु दु ।

स्कूल न्ह्याकेगु अनुमति चूला:गु थासय नं स्कूल संचालकतयसं सरकारं क्व:छयूगु मापदण्ड धा:सा पूर्वकेमा: । अभिभावकया स्वीकृति दयमा:गु, विद्यार्थीतय ल्हा: सिलेगु, स्यानिटाइजरया व्यवस्था, सिफ्टय कक्षा संचालन, छन्हुया अत: कक्षा न्ह्याकेगु, कक्षा कोथा न्हिं न्हिं स्यानिटाइज यायगु लिसेया व्यवस्था स्कूल संचालकतयसं पूर्वकेमा: । आ: वया: धा:सा येँ महानगर दुनेया स्कूलतयसं नं थुकथंया दक्क मापदण्डयात पूर्वका: स्कूल न्ह्याकेगु तयारी या:गु दु । येँया

तपिताय च्वंगु न्यू जेनिथ इजलिस मोडल स्कूल पुष ५ गतेनिसें ८, ९, १० कक्षा भौतिक रुप विद्यार्थी उपस्थित याका: न्ह्याकेगु तयारी या:गु दु । थव हे इवल्य स्कूलं अभिभावकतलिसे चरणबद्ध रुपं अभिभावकलिसे मुंज्या नं चवनेधुकुगु दु । अप्ठ:थे अभिभावकपिन्स कक्षा न्ह्याकेमा:गु हे धा:गु व गुलिसिन आ:यात स्कूल संचालन मया:सां ज्यगु धा:गु प्रधानाध्यापक राजु महर्जन कनादिल । 'अनलाईन कक्षा प्रभावकारी जुइमफूगु भीसं वा:चायका हे च्वनागु दु, उकिया नापं मस्त छैय हे ला:बलय यक्वसिया वनेगु बानी मद्यावंगु, मोबाइलय आपा: म्हिताचवनेगु बानी जूगु कम्प्लेन नं अभिभावकपाखे व:गु दु,' प्रधानाध्यापक महर्जन धयादिल ।

अथे हे खुसिबुंया काठमाडौं मोडल स्कूल नं ज्यसा पुष १ निसें, मखुसा ५ गतेनिसें कक्षा न्ह्याकेगु योजनाय दु । 'मनुतय भव्य वनेबलय, हुलमुल याना: मास्क त.मत:से बजारय जुइबलय, पिकनिक वनेबलय ला संक्रमणया जोखिम मखं, तर मस्तयत स्कूल छवयवं हे संक्रमण जुइगु ख:ला ?' स्कूलया अध्यक्ष राजेन्द्र महर्जन धयादिल । मेमेथाय स्कूल न्ह्याकूथाय नं छुं अज्या:गु बांमला:गु खँ न्यनेम्वा:गु अले थ:पिन्स फक्क सावधानी नालेगु जगुलिं अभिभावकपिं ग्यायम्वा:गु खँय नं महर्जन व: बियादिल ।

ल्यं ७ पेजय

येँया मू मू सडकय निद्र: मत तइगु



मत तयगु नितिं येँ महानगरपालिका व नेपाल विद्युत प्राधिकरणया मंका कथं लगानी यायगु व लगानीया अनुपात येँ महानगरपालिकां ६० प्रतिशत व नेपाल विद्युत प्राधिकरणं ४० प्रतिशत तयगु सहमति जगु ख: ।

येँ महानगरपालिकां महानगर दुने थीथी थासय लैय निद्र: मत तइगु जुगु दु । उकिया नितिं येँ महानगरपालिका, नेपाल विद्युत प्राधिकरण व सडक विभाग दथुइ सहमति जगु दु । भौतिक पूर्वाधार तथा यातायात मन्त्री वसन्तकुमार नेम्बाङ व येँ महानगरपालिकाया मेयर विद्यासुन्दर शाक्यया उपस्थितिइ मन्त्रालयस सहमतिपत्रय ल्हा:चिं तयगु ज्या जगु ख: ।

सहमति पत्रय हस्ताक्षर ज्याइवल्य भौतिक पूर्वाधार मन्त्री नेम्बाङ थव हे आर्थिक दै दुने परियोजना सफल यायगु कथं ज्या न्ह्याकेत निर्देशन बियादिल । येँ महानगर प्रमुख शाक्य यातायात व्यवस्थापन अले शान्ति सुरक्षा कायम यायत लिसें सामाजिक सुरक्षा लिसेया सेवा सुविधा धिसालाका तयत सडक मत व्यवस्थापन अपरिहार्य जगु धयादिल ।

ल्यं ७ पेजय



Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur

4335491, b.arts4335491@hotmail.com

- Banner, Flex Board
- Glow Sign Board
- Sticker Cutting / Printing
- Screen/ Rubber Print
- Self-ink/ Rubber Stamp
- PVC(ID)/ Visiting Card
- & all kinds of press works

सम्पादकीय



भ्याक्सिन वल, भीगु लहातय लाइ ला ?

थौया दिनय स्वल धा:सा न्हिं थुलि मनु संक्रमित जुल, थुलि सित, थुलि लन धइगु अङ्क व ल्या:चा:या दथुइ हे मुक्क हलिबासीया जीवन न्ह्यानाच्वंगु दु। थुकिया दथुइ छगू न्हूगु व लसताया खँ धा:सा व:गु दु। कोरोना भाईरस (कोभिड १९) विरुद्धया भ्याक्सिन वितरण शुरु जुल।

वंगु दँ २०१९ या डिसेम्बरय चीनया उहान शहरय नं पिहांव:गु कोरोना संक्रमणया खँय उगु इलय ला सुनां खास च्यूता: मत:। मेगु देय यात व भाईरस खना: ग्याय्मा:गु स्थिती दुगु मखु। छायाकि व चाइनाया छगू शहरय जक खनेदुगु ख:। थुलि तक्क कि चीनया ज:लाखला देय जुया: नं नेपालयात तक्क थुगु भाईरसयात कया: उलि च्यूता: मदु। चाइनां पिहांवना: दक्कले न्हापां थुगु भाईरस दुहांवंगु देय धा:सा नेपाल हे ख: हानं। थथे खया: तक्क नं नेपाल उगु इलय उलि च्यूता: मत:। तर जब थव भाईरसं विश्व महामारीया रुप काल, उबले धा:सा सकले ग्यात। लकडाउन, स्टे एट होम, निषेधाज्ञा, कर्फ्यू छु उपाय नाला: मनुतयत छँय तयफइ, व सकतां यात। तर थव उपाय धइगु ला अल्पकालीन जक ख:। दीर्घकालीन समाधान धइगु ला भ्याक्सिन हे ख:। तर भ्याक्सिन गबले ख: गबले! भ्याक्सिन बजारय वयत छुं मखुसा दत्या, निदँ बी धयाच्वंगुलिइ आ: दच्छि दुने हे भ्याक्सिनया वितरण शुरु जूगु सकारात्मक पक्ष ख:।

दक्कले न्हापां रुसं भ्याक्सिन दयकागु दावी या:सां विश्व स्वास्थ्य संगठनं थुकियात मान्यता मब्यू। आ: वया: फाइजर कम्पनीया भ्याक्सिन बहरानइन, ब्रिटेन तक्क थयनेधुंकल। लिसें फाइजर लिसें बायोटेक कम्पनीया भ्याक्सिनया वितरण संयुक्त राज्य अमेरीकाय नं भिहग:निसें शुरु जुल। नेपालय नं भ्याक्सिन हयत ज्या तच्चयधुंकूगु नेपाल सरकारं दावी यानाच्वंगु दु। खतुं भ्याक्सिनया खँय वैज्ञानिकतयसं हे नं न्हयस:त थनाच्वंगु दनि। ९५ प्रतिशततक्क प्रभावकारी धयात:गु थुगु भ्याक्सिन धाथें गुलित प्रभावकारी जुइ, थव भ्याक्सिनं गुलि ईतक्क ज्या याइ, थुगु भ्याक्सिनया साइड इफेक्टया खँ आदि आदि वैज्ञानिकतय दथुइ नं शंका दनि। उकिया नापं नेपालय धा:सा भ्याक्सिनयात कया: मेगु हे शंका दु। थुगु भ्याक्सिन गबलेतक्क गुलि ल्याखय दुतहइ ? थुगु भ्याक्सिनया मू गुलि तुइ जुइ, नेपालीतयसं न्याय फइला मफइला ? भ्याक्सिन आवश्यक मनुतयगु लहातय लाइ कि मलाइ, कि पहुँचवालातयसं हे फुकाबीगु ख: ला कि ? भ्याक्सिनलिसें थीथी कथंया जिज्ञासा, न्हयस:, शंका दंगु दु। सारा विश्वया मनुतयत प्रभावित या:गु थुगु भाईरसपाखें याकनं मुक्ति चुलाय्मा, थुगु भाईरस विरुद्धया खोप याकनं नेपालय दुहांवया: पाय छि ढङ्गं वितरण जुया: आवश्यक मनुतयगु लहातय लाय्मा, भीसं थव हे मनुतुने।

त्वमिपित्त इनाप

लहना वा:पतिइ लेख, रचना, रिपोर्ट व समाचार छ्वयादीफइ। छिर्कापिसं छ्वयादीगुयात थुगु वा:पतिइ थाय बियाच्वना। पिदंगु च्वसुयात उचित पारिश्रमिक बीगु नं सुचं बियाच्वना।

लहना वा:पौ

भोछेँ, यँ

lahana.news@gmail.com

निष्ठानन्दयात लुमंका: थौया ई हने

नेवा:त थौं तत:धंगु बिचार बीगु व ज्या यायगु ओहोदा व थासय थयनाच्वंगु दु। उगु जमानाया ई व आ:यागु ई व हे मखुत धका: धयाच्वनेमा:गु खँ नं मखयधुंकल। निष्ठानन्दयात लुमंका: थौया ई दुने धाथेंया निष्ठानन्दयात लुमंकेमा:गु दु।



प्रा. सुवर्ण शाक्य

निष्ठानन्द धायबलय नेवा: जगतय छगू ईतिहासया पानाकथं सीकेगु, थुइकेगुकथंया व्यक्तित्व जुइधुंकूगु दु। ईतिहास ब्वनीपिं, ईतिहासपाखे च्यूता: दुपिं व थ:थ:गु विषयस सीके, थुइके मा:कथं स्वापू दुपिनिगु उगु उगु विषयस खँ सियाच्वनी धा:थें निष्ठानन्द अति चर्चित व्यक्ति जूसां नेवा: जगतय साधारण गृहस्थापिनसं महसियाच्वंगु म्हेव: जक खनेदु। थौं नेवा: जनसंख्या ३२ लाख दु धा:सां गुणानुस्मरण यायत नेवा: व्यक्तित्वयात महसीकाच्वीपिं चर्काछि सिबय हे दइच्वंगु स्थिती मदु। थव धइगु नेवा: जगतय महसीकेमा:पिन्त धका: पाठ्यक्रमय हे तया: महसीकेत स्व:सां पाठ्यपुस्तक ब्वनीपिं विद्यार्थी तक्क मदइच्वंगु स्थिती दु।

भाषा साहित्यया खँ कायबलय नेपालभाषाप्रति अथक प्रयासं थ:त पानाव:मह निष्ठानन्दया पालय्या नेपालभाषाया स्थिती थौया इलय यक्क फइको मारे याना: साहित्य जगत थहांवय धुंकूगु दु। भाषा थहां वइगु धइगु साहित्य जगत थहां वइगु ख:। नेवा: सफू धुकुतिइ अनेक कथंया विषयया सफूत दुथ्यायधुंकूगु दु। थुज्व:गु धुकू धा:सा नेवा: मात्रया लागि च्यूता:या विषय जुया: न्ह्यानाच्वंगु खनेमदु। थुज्व:गु धुकू फुकक सिमित सरोकारपिनि जक विषय थें जुयाच्वंगु दु। थथे जूगु भाषा थहां वय्या पलेसा लिज्यावनाच्वंगु कारणं खनेदु।

भाषा थकायत भाषा आन्दोलन जुया: भाषाया प्रचार प्रसार ला यक्क जुइधुंकूगु ख हे खत। भाषा आन्दोलन धइगु नेवा: परिचयया विषय ख:। जातिं नेवा: परिचय जुयाच्वंसां भाषां नेवा: धायकेगु कुत: क्वातुगु खनेमदुनि। भाषां नेवा: नेवा: जुइगु यक्क क्रियाकलापया खँत नं फक्क चाक् न्ह्याना हे च्वंगु ख:। अथे जुयां नं ब्वयधुंकूगु भुतिमालि फसं गूथें न्ह्या:गु नेवा: भाय नं थौं लिज्यां वनाच्वंगु मययक हे धायमालाच्वंगु स्थिती दु।

उत्थान जुयां नं वैठान यायमफइच्वंगु थितीयात महसूस याना: भाषा जगतय उत्थानया सुरुइ कुर्बानी ब्यूमह छमह भाषामहारथी गद्यगुरु निष्ठानन्दया कुत:यात कया: वइगु जीवनयात ब्यापकता बिया: नेवा: थ:पिं भाषाकथं ब्वलंगु खँ सामाजिक, राजनैतिक चेतनाय दुब्याका: परिचय बीकथं पला: न्ह्याकेमा:गु खँ वा:चायकेमा:गु जूवल। थौं भाषा धका: स्वनिग: जक लुमंकेगु ई मखु। नेवा: मात्रयात निष्ठानन्दया परिचय बीगु नं छगू जीवन निर्वाहया खँय राजनैतिक चेतना बीगु तक्क ख:। निष्ठानन्दया पालय्या व

दिन नागरिकतय थ:थ:गु भाषां ब्वनेमदुगु दिं, थ:गु भाषां च्वयमदुगु दिं, थ:गु भाषां न्येकने मदुगु दिं। सयकेत, सीकेत, सफू छगू च्वयत दँदै मालीगु। छगुलिं निगू सफू दयकेत तक्क लहातिं ल्हययकथं च्वया: हे यक्व ई बीमा:गु। छापय यायत प्रेस मदुगु, थासा आख: तक्क मदुगु। सफू छगू पूर्वकेत विदेशय वना: मधेसय वना: सामान जुटय याय्मा:गु। स्वनिगलं पिनेतक वनेत नं लँ ताहा:गु, बाय च्वना: वनेमा:गु। आर्थिक अवस्थां मबीगु। थ:गु देशय दुने निरंकुश राज्य प्रशासनं ब्वकेमबीगु, स्यना काय मदइगु। ज्या याना: नयत नं अधिकार मबीगु। ज्वंका: कुंका: च्वनेमा:गु। थ:गु भाय, थ:गु धर्म, थ:गु समाज धका: निर्धक्क धयाच्वने, हनाच्वने



कर्पिन्त जक दोष बिया: थ:पिं लिज्यायगु, निस्त्रीय जुइगु थ:पिनिगु हे कमजोरी भा:पिमा:गु दु। हालथें सनाथें पूर्वके मफयाच्वंगु खँ थ:पिनिगु हे लाचारीया विषय जुयाच्वंगु दु।

मदुगु। थुज्व:गु इलय निष्ठानन्द बजाचार्य तत्कालीन ईब्य:या सामना याना: निरंकुश शासनया तक्क चोट फया: नेवा: समाजय डटय जुयाच्वन। व हे ईतिहास थौं लुमंकेमा:गु जुल।

भनी पुर्खाया बौबाज्यां छें दयका थकूगुलिं, बुँ तइथकूगुलिं थौं व्यवहारय च्वना: याउँक च्वने दुथें पुर्वज अग्रज पुलापिनि देनं नेवा:तय थौं थ:गु भासं खँ लहाय खनाच्वन, ब्वने खनाच्वन अले थ:गु धइगु दयाच्वन। थुज्व:गु खँया इवलय विशिष्टगु प्रतिभाहम निष्ठानन्दया देन अतुलनीय जुया: कृतज्ञ जुइमा:गु खँ लुमंकेमा:गु ख:। निष्ठानन्दया देन व जीवनीया विषयस यक्क सफू व च्वसु पिदनेधुंकूगु दु। थौं नेवा: जगतय थुज्व:पिं महारथीपिनिगु पला:ख्वाँय सीमदयक हयावनाच्वंगु दु। थथे जूगु धइगु थ:पिनिगु व्यवहारय आत्मनिर्भरता म्हेव: जुयावंगुलिं ख: धाय्थाय दु। थ:पिनि लागिं थ:पिन्सं छुं मया:से कार्किया भरय च्वनेगुया बिचा: अप्व:गुलिं ख:।

नेवा: समुत्थानया लागिं धका: थीथी ज्याखँया लागिं थीथी कथंया संस्थात स्वना: खल:पुच: न्ह्याकाच्वंगु खँ नं स्वयगु यक्व दु। खल:पुच:या स्वभाव पानावना: खर्चबर्च, अर्थबर्च, पवनेभन चूलाका: वनाच्वंगु नं खनेदया वयाच्वंगु दु। कार्पिनि भरं साधन चूला:सा जक ज्याखँ न्ह्याकेगु याना: छता छता विषयस संस्था चायकेगु बाय स्वनेगु नं जुयाव:गु खनेदु।

थुज्व:कथं संस्थात अप्वया ववं मा:गु ज्याखँय ध्यान म्हेव: जुया: भावना बुलुया वनाच्वंगु दु। ज्या स्वया: नं ब्वसाया ज्याइव: न्ह्याकेगु संस्थात जुयावना: दुगु संस्थात नं टिकाउ मजुया वनाच्वंगु दु। समाजय हे सल्लाह बीपिं अप्व: व ज्या याइपिं नं म्हेव: जूगु खनेदया वइच्वंगु दु। सेवा कथंया न्हयलुवा खयलय तक्क अनुशासन म्हेव: जुयावनाच्वंगु दु। थुज्व:गु वातावरणं उलिउलि सनाच्वंगु ईपाखे स्वया: निष्ठानन्द आत्मनिर्भर, स्वावलम्बि जुया: प्रतिवद्ध जूगु प्रयासयात छँखा छँखापतिं म्हेतिं म्हेतिं थुइकेबिया: मचा, मिसा सपरिवारया हौसला थनेमा:गु ई व:गु दु।


आ: महारथीपिनिगु तक्क ईतिहास कनेथें हालाजुइगु व व्यक्ति च्वछायकथं जक ज्याइव: हनेगुपाखे स्वया: पुर्खाया गौरव तयगुपाखे परिचित जुया: क्रियाशीलगु ज्याइव: न्ह्याका: न्ह्याचिलेमा:गु दु। २१औं शताब्दी हं धका: न्हूगु यूग धाधां च्वयच्वय धायगुलिइ हाला: सना जू थें खँयात ल्वयक थ:गु जाती, वर्ग, समुदायया क्वातुगु, धिसिला:गु पलाखं च्वन्ह्याना: न्हूगु यूगया प्रतिनिधित्व यायगुपाखे न्ह्या:वनेमा:गु दु। खँ स्वयां ज्या न्ह्याय मा:गु दु। थ:पिनिगु कुचा दलावनाच्वंगु समाजयात छधी छपांय यायगुपाखे नेतृत्वया

विकास याय्मा:गु खँ थौं धयाच्वनेमा:गु मखु थें जुइधुंकल। थ:त य:थ:गु खँय मनुत छमह थे छमह चेतनशील जुइधुंकूगु खनेदु। भाषा, जातिया खँय चायक चायक वाय त्य: फ्वायत्य: जुयाच्वंगु खँ कनेम्वा:कथं, धाय्म्वा:कथं जुयाच्वंगु खनेदु। थौंया इलय निष्ठानन्द थज्या:पिनिगु कुदरतीयात न्हयथना: थ:पिं कुदरती जुइमा:गु निष्ठता ब्वय्मा:गु दु। ध्वाँय ज्वना: आन्दोलनया स: जक थयके सिबें कर्तव्यनिष्ठताया आन्दोलन न्ह्याका: धस्वाय्मा:गु दु। ज्या याय्मखंगु, ज्या याकेमब्यूगु ई ला निष्ठानन्दया उगु ई नं ख:। निष्ठानन्दं गुकथं सामान यात, थुज्व:गु खँ लुमंका: प्रेरीत जुया: पुलापिनिप्रति कृतज्ञ जुइगु नं ख:। कर्पिन्त जक दोष बिया: थ:पिं लिज्यायगु, निस्त्रीय जुइगु थ:पिनिगु हे कमजोरी भा:पिमा:गु दु। हालथें सनाथें पूर्वके मफयाच्वंगु खँ थ:पिनिगु हे लाचारीया विषय जुयाच्वंगु दु।

नेवा:त थौं तत:धंगु बिचार बीगु व ज्या यायगु ओहोदा व थासय थयनाच्वंगु दु। मात्र भावना व एकताया कमजोरी जुयाच्वंगु दु। थुखेपाखे थ:त ब्वया: थ:गु भूमिका निर्वाह याना: क्यनेगुपाखे लुमंकेमा:गु दु। उगु जमानाया ई व आ:यागु ई व हे मखुत धका: धयाच्वनेमा:गु खँ नं मखयधुंकल। निष्ठानन्दयात लुमंका: थौंया ई दुने धाथेंया निष्ठानन्दयात लुमंकेमा:गु दु।

अइलय् मदुम्ह भाषा जवाः स्वयम्भुलाल श्रेष्ठ !

भाषा व साहित्य थकायुत नेपालभाषाय् श्रेष्ठ सिरपाः स्वनादीम्ह हे वयकः खः । न्हापां स्वसः दांया सिरपाः उकें स्वसःयागु तक्मा छगू व ल्यंगु धेबालिसें दसिपौ नं बीगु यानाच्वंगु खः । दँयदसं सिरपाः बीत धेबा तयादीगु मदुसां सिरपाः बीगु ई जुलकि वयकः न्ह्याथाय् दुसां यँय् थ्यनेधुंकी ।



राजा शाक्य

स्वयम्भुलाल दाइया मन्जुश्रीलाल नाम्ह छम्ह किजा नं दु । वयकः नं साहित्यकार कवि खः । वयकःया छगू सफूचा नं पिदंगु दु । न्यनाकथं वयकः भारतय् दुबलय् रेल दुर्घटनाय् मन्त धाइ । वयकः थौं दनिगु जूसा स्वयम्भुलाल दाइयात यक्व भाषिक व साहित्यिक तिबः दइगु जुइ । अकिं वयकःया थः मदयधुंकाः नेपालभाषा व साहित्या च्यूताः कयाचवनादी ।

धातथै अइलय् मदुम्ह धयाम्ह भाषाजवाः स्वयम्भुलाल श्रेष्ठ खः । आःतक स्वयम्भुलाल दाई दयाच्वंगु जूसा यल देसय् जक मखु, नेपाः देसय् हे दक्कले हनेबहःम्ह वयकः हे जुइ ।

भारतय् नवाः किपा ख्यलय् नांजाःम्ह कलाकार राजकुमार मन्त । तर वं थः मदुगु हुइनाभुइना याकेमन्ब्यू । अथे हे स्वयम्भुलाल दाई तच्चः जूबलय् तक लाःसा वयकःयागु हे उजं जुइ, वयकःया किजा भगवानलाल तकं स्वइतं कनामजू । मूर्खं छु धाःसा वयकःया सुयातं दुःख बीगु नियत मदु । उकिं यलय् च्वीपिं सुं भाषासेवी व साहित्यकारतय्सं नं वयकः मफूगु तकं मस्यू । वयकः तच्चः जुयाच्वंबलय् वयकःयात हे धकाः किजा भगवानलाल न्हूसतक धवाखा लिक्क च्वंगु कमल बहादुर कसाः (भाषा निभाः प्रेमबहादुरया किजा भाजू) नं थःगु वासः पसलय् गनं मदुगु कडागु हे वासः न्याःवःगु जुयाच्वन ।

व खँ कमल दाई नं छँय जा नःबलय् प्रेम दाईयात कन । अनील वयकः भाषाजवाः स्वयम्भुलाल दाई तच्चः जुयाः घाटय् यकाच्वंबलय् मंगः बजारय् म्वः म्वः जुयाः मोटर ततःक्यनाच्वंबलय् कवि मदन मोहन मिश्र मोटरया इयालं दुने खंगु जुयाच्वन । जितः पोहेला पुन्हि जनबहाः जागे जुइबलय् बहनी जनबहालय् छँय च्वंबचनाबलय् प्रेम दाईनं सःतके हल । जि धारमय् जःलिबि छँय वना । अबले प्रेम दाइ म्ह सुख मदयाः गनं पिहां मवसे च्वंबंगु जुयाच्वन । वयकलं उजं बिल, 'जि भचा म्ह सुख मदु । स्वयम्भुलाल दाई मन्त ।' (स्वयम्भुलाल दाई प्रेम दाइ स्वयां क्वकालि जूसां हनाबना कथं प्रेम दाइनं नं स्वयम्भुलाल दाइयात दाइ लितँसा तयाः सम्बोधन याइगु) जितः नालां पूथें जुल । प्रेम दाइनं बहनी जूसां जितः सच्छिं वंगु नोथ छपाः बियाः 'राजा, तुन्त पशुपति वना वा हुँ' धाल । जिं छुं छां मधाःसे सरासर आर्यघाटय् वना ।



दिपय् स्वयम्भुलाल दाइया म्ह छवारा जक ल्यं दनि । जि ख्वय् नं मफु, न्हिले नं मफु । स्वयम्भुलाल दाइ हे खःला मखुला ।

स्वयम्भुलाल दाइया मन्जुश्रीलाल नाम्ह छम्ह किजा नं दु । वयकः नं साहित्यकार कवि खः । वयकःया छगू सफूचा नं पिदंगु दु । न्यनाकथं वयकः भारतय् दुबलय् रेल दुर्घटनाय् मन्त धाइ । वयकः थौं दनिगु जूसा स्वयम्भुलाल दाइयात यक्व भाषिक व साहित्यिक तिबः दइगु जुइ । अकिं वयकःया थः मदयधुंकाः नेपालभाषा व साहित्या च्यूताः कयाचवनादी ।

छन्हु प्रेम दाइया तःकोथाय् च्वंबचनाबलय् वयकलं भाषिक भसुकाः तयादी, 'जि भपां हवाइजहाजय् च्वनाः वयबलय् अनायास मतिइ लुइगु, छुं जुयाः थ्व प्लेन भकाय् लाःसा जि नं मदइ । जिमि मस्तयुत नेवाः भाषाय् नुगः क्वमसाः, छु यायगु का ।'

भाषा व साहित्य थकायुत नेपालभाषाय् श्रेष्ठ सिरपाः स्वनादीम्ह हे वयकः खः । न्हापां स्वसः दांया सिरपाः उकें स्वसःयागु तक्मा छगू व ल्यंगु धेबालिसें दसिपौ नं बीगु यानाच्वंगु खः । दँयदसं सिरपाः बीत धेबा तयादीगु मदुसां



सिरपाः बीगु ई जुलकि वयकः न्ह्याथाय् दुसां यँय् थ्यनेधुंकी ।

थातं धेबा तयमाल धकाः वयकलं धेबा प्वः ज्वना वःसां वयकःया छवाः नुगःयात लँय हे सुं सुं व्यक्ति स्वां हायके धुंकी । लिपा श्रेष्ठ सिरपाः कोष दयकेत जिं छगू पद्मरत्न छगू व भूषणप्रसाद छगू यानाः ३गू सफू सम्पादन यानागुया ज्याला मुनाः च्वसापासायात लःलहानाबिया । आः ला च्वसापासां नं गुलिखे मस्यू, तयाबिल थें । तर श्रेष्ठ सिरपाः मुँज्या न्ह्यानाच्वंगु खनेमदु । उकिं स्वयम्भुलाल श्रेष्ठ धयाम्ह हे म्हमसिया वनेधुंकल ।

जि ला धातथै धायमाल धाःसा थ्व साहित्य ख्यलय् भचा नां दुगु वयकःयागु हे देन खः । जिगु मतकी बाखं सफूया ल्यू, 'जि खग्रास मखु मिलाया' सफू वयकलं हे अयधयागु श्रेष्ठं प्रकाशनं पिथंगु खः । लिपा ने.सं. ११०३ या श्रेष्ठ सिरपाः जिगु सफूयात हे लात । उकिं वयकःयात जिं गबलें हे ल्वःमके फइमखु ।

राम प्रजापति
प्रोप्राइटर

हार्ती मिठाई भण्डार
(सुच्छ शाकाहारी)

कालिमाटी चोक, टंकेश्वर मार्ग, काठमाडौं ।
फोन नं. : ४२७२९९९, मो. ९८०३९८०६९९

यहाँः-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईको व्यवस्था गरिन्छ ।

(क) व्यापारी त्यासा
(ख) हायरपचेज त्यासा
(ग) आवासीय त्यासा

(घ) शेयर त्यासा
(ङ) मुद्दी रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.

ह्वनाछें, पाको, न्हूसतक, यँ, नेपाः
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

स्वस्थ पत्रकारिताको विकास स्वतन्त्र र हक
अधिकारको जगेर्ना, राष्ट्रिय सर्वमान्य प्रचलन र
मान्यतालाई समायोजन गर्दै अगाडि बढ्नु आजको
अपरिहार्य आवश्यकता हो ।

नेपाल सरकार
सञ्चार तथा सूचना प्रविधि मन्त्रालय
सूचना तथा प्रसारण विभाग





भाषासेवीलिसें उद्योगपति लक्ष्मीदास मानन्धरयात थुगुसीया हेमराज सिरपाः लःल्हाःगु दु। मानन्धरया हे छैय लोक साहित्य परिषदया संरक्षक वाङ्मय शताब्दी पुरुष सत्यमोहन जोशी दोसल्लां न्ययुकाः परिषदया नायः प्रा.प्रेमशान्ती तुलाधरं हनापौ लःल्हानादिल। अथे हे, सिरपाया दाता सुरेन्द्र शाक्यं छू लख तका लःल्हानादिल। लिपि विशेषज्ञलिसें बौद्ध विद्वान कथं म्हासिउमहं पं हेमराज शाक्यया लुमान्तिइ नीस्वनातःगु थुगु सिरपाया राशी न्हापा भिद्धः तका दुगु खःसा प्यदं न्हयः छू लख तका थ्यंकू खः। सफू पिथना, महाकाव्य, खण्डकाव्यलिसें तःधंगु भाषण जक बियाः भाषसेवी जुइमखुगु तर छैय छैय थः मस्तयत नेपालभाषा स्यनीम्ह भाषासेवी खःगु बिचाः संस्कृतिविद् जोशीं तयादिल। 'लक्ष्मीदासं थम्ह गबलें व याना थ्व याना मधाः, तर वयकः न्हयावलें स्कूलय् नेपालभाषायात सरकारं थाय् मन्व्यूगुलिइ च्यूताः कयाचवनादी' जोशीं धयादिल।

पुनर्जागरण अभियानया महारथी गद्यगुरु निष्ठानन्द बज्राचार्य




शरद कसा:

नेपालभाषा साहित्यया इतिहासयात प्राचीनकाल, माध्यामिक काल व आधुनिक काल कथं ब्यथला: अध्ययन यायगु परम्परा दु। थुकी नं प्राचीनकाल धायबलय् ने.सं. ६२५ निसें ९६७, माध्यामिक काल ने.सं. ९६७ निसें १०६१ व आधुनिक काल ने.सं. १०६१ निसें थौतकया ईयात कयात:गु दु। थ्वयात नं हाकनं प्राचीनकालय् न्यचव:गु प्राचीनकाल (ने.सं. ६२५ निसें ८८८), लिचव:गु प्राचीनकाल (ने.सं. ८८८ निसें ९६७), माध्यामिक कालय् पुनर्जागरण काल न्यचव:या साहित्य (ने.सं. ९६७ - १०२९), पुनर्जागरण कालया साहित्य (ने.सं. १०२९-१०६१) व आधुनिक कालय् ने.सं. १०६१ अर्थात नेपालभाषाया च्वमितयत् जेलय् त:गु ई जुया: जेलकाल व वयां लिपाया ईयात नेपालभाषा साहित्यया आधुनिक काल कथं ब्यथला: चर्चा यानात:गु दु।

नेपालभाषा साहित्यया अध्ययन अनुसन्धान यायमाल धा:सा थ्व फुककं कालया थ:थ:गु कथंया महत्व दु। अथे नं थौं नेपालभाषा व थ्वया साहित्यया गुकथं विकास जुयाच्वन ? छू इलय् थ्व भाय् धिर्ताधिता पना: नं थौतकक गुकथं म्वानाच्वन ? उकिया ल्युने पुनर्जागरण कालया आपालं योगदान दु। महाकवि चित्तधर हृदयजुं न्यथनादीकथं खजा गुगुं ईतिहासयात काल वा युगया प:खालं खुइगु अ:पुगु खं मखु, थुकी अनेक विवाद नं वयफु, अयुनं छू न्ह्यु ईतिहासयात नं ईतिहासकारतयसं थ:थ:गु दृष्टिकोणं काल विभक्त हे यायगु जुयाच्वन। उकिं भोगु नेपालभाषा साहित्ययात नं न्हापा न्हापा भी आजु, तापाआजुपिन्सं च्व जक च्वया: स्वथनाथकूगु समययात पुलांगु युग व नेपाल सम्वत १०३९ सालनिसें च्वया: थासा आखलं सफू पिहावसेलिवा समययात न्ह्युगु यूग धायगु अचव: मताया। थ्व न्ह्युगु यूगया यूग प्रवर्तकपिमध्य गद्य पं. निष्ठानन्द बज्राचार्य, पद्य कवि सिद्धिदास अमात्य व स्थनेगुलिइ मा. जगत सुन्दर मल्ल ख:। थननिसें हे तिनि भोगु भाषाय् ल्हायगु भाषां हे च्वयमा: धयागु न्हू-पह: पिहावल। उकिया प्रमाण गद्य 'ललितविस्तर' व पद्य 'सज्जन हृदयाभरण' भोगु न्य:ने दनिगु भी नेपालभाषा साहित्य मन्दिरया जग ख:। थ्वया लिपा योगवीरसिंजुं कविताया माध्यमं नेपालभाषा अनुराग तथा सामाजिक जागरण व सुधारया स: प्रतिध्वनित यात। उकिं थ्वयक:पिं प्यम्हेसित नेपालभाषाया प्यंग:थां धका: हनेगु जुल।

प्यंग:थांया न्हापांगु थां पं. निष्ठानन्द बज्राचार्य ख:। ने.सं. ९७८स मां थकुमाया



व अबु मुक्तानन्दया कोखं ओमबहा: त्वालय् जन्म जूमह निष्ठानन्द बज्राचार्य नेपालभाषा पुनर्जागरण अभियानया दक्कले थकालिमह महारथी ख:। म्हुतुं आब्वान याना: मखु, थ:गु ज्याखं नेपालभाषाया पुनर्जागरण अभियान न्याकाव:मह निष्ठानन्द बज्राचार्य, मनूया मूल्याङ्कन खं मखु, ज्यां जुइ धयागु सत्यया छू दसु जुयाब्युगु दु। प्रा. प्रेमशान्ति तुलाधरं च्वयादीकथं नेपालभाषाय् थासा आखलं सफू पिथना: थ्व भाषां च्वयगु, कनेगु न्ह्युगु उत्साह, उमंगया शुरु जुगु ईयात पुनर्जागरणया शुरुवात जुगु ई कथं नालात:गु दु। गथे ईटालीइ शुरु जुगु रिनासांयात जीवन्त यायगु तथा थुकियात यूरोपया आपालं थासय् प्रचार प्रसार जुइकेगुलिइ क्याक्सटनया (ई.सं.१४६७) प्रिन्टिड प्रेसया आविष्कारं महत्वपूर्ण तिब: बिल। अथे हे, नेपालभाषा साहित्यय् छापा आखलं सफू पिदसेलि थ्वया प्रचार प्रसारय् तिब्रता वल। थथे नेपालभाषाय् थासा आखलं सफू पिकायगु परम्परा दक्कले न्हापां न्याकादीमह व्यक्ति निष्ठानन्द बज्राचार्य ख:।

छमह बज्राचार्य कुलय् जन्म जुया: उबले यकव ब्वनेदुगु मखु, साधारण शिक्षा जक हे ख:। पाठपूजासम्म याय् सय्वं मा:गु जय

मां ज्या चले हे जू। हानं १५दँया वैशय् हे इहिपा याना: २०दँ दुबलय् ला निमह मचाया अबु नं जुल। थज्या:गु इलय् हे मांबौ निमहं परलोक जुल। छँ व्यवहारया भार दक्वं थमहं हे कुब्बिमाल। उकिं सामान्य व्यवसाय याना: बाखं जक कना: चित्त बुभे यानाच्वंगु जूसा नं निष्ठानन्दया नां ल्यनी नं नेपालभाषाया गद्य च्वन्त्याइ। विद्याध्ययन म्हुव: जूगु प्रसङ्गय् फुकी दाजु छम्हेसिनं हेबाय्चबाय् मया:गु जूसा वयक:या दुने सुलाच्वमह बज्राचार्यया स्वाभिमान दनामवइगु जुइ। गुकिं वय् क:यात क्व:छीत अ:पुल कि 'जि वयासिकं छुकिं स म्हुव: जुइका: च्वनीमह मखु।' अले छु माल ! पिण्डत, ब्राम्हणपिन्थाय् वना: आख: सयकेगु यात। नापनापं थमहं गुगु ब्वना:, उगु उगु थ: काय् मोहनमानन्द अर्थात जुजुरत्नयात नं ब्वका: काय् पासा याना: विद्याभ्यास यानादिल। थ्व वयक:या छू विस्कं विशेषता ख:।

आख: ब्वना: सयके-सीके याना: पिण्डत जुइवं ने.सं.१०२१ सालया चतुर्मासं जनबहालय् नेपालभाषा ललितविस्तर, भद्रकल्पावदानया बाखं कनादिल। थननिसें बाखं कनेगु सिलसिला मदिक्क न्यायात। लिपा थमहं कनेगु बाखंयात थासा आखलं सफू

पिकाय् द:सा गाक्क प्रचार जुइ धइगु भा:पालितविस्तर, भद्रकल्पावदान, स्वयम्भु पुराण, गुणकारण्डव्यूह, आर्यअष्टसहस्रिका, सुचन्द्र गृहस्पति, ताराशतनाम आदि आदि अनेक धर्मग्रन्थया सार सार कया: बोलचाल भाषां अनुवाद यानादिल। उथाय् नेपालय् प्रेसया बांलाक व्यवस्था म्हुनि। उकिं वय् क: थ: हे कलकत्ता भाया: थासा आख: ज्वना: भाल। थन आख: थायगु सिंयागु कन्तुर (प्रेस) दयके बिया:, थमहं हे कम्पोज याना:, करेक्सन याना: सफू छापे यानादिल। उकिं उबलेया रोयल नेपाल एकेदमि नेपा:या न्हापायापिं व्यक्तिवयागु धल: सफू पिकायात:गुलिं वयक:यात नेपालय् न्हापां प्रेस चले या:मह धका: न्यथनात:गु दु।

'ललितविस्तर' सफू पिथनेगु इवलय् कम्पोज यायगु आख: म्हुव: जूगुलिं छपौ कम्पोज यात, उकियात डिस्पोज यात, हानं कम्पोज यात, अथे याना: निरन्तर ज्या याय् मा:गु जुयाच्वन। थ्व सफू छापे यानाच्वंगु ई धइगु राणा शासनया मि च्या:गु ई। नेपालभाषां च्वयब्वने म्हुगु ई। सुनां नं सफू छापे यानाच्वंगु सीका: खँ थयंकूसा जेलय् वनेमा:गु ई। अयजुया: थ्व फुकक ज्या चांचां यायमा:गु जुयाच्वन। थुकिं प्यदँ बिका: सफू पूर्वक छापे याना: पिहावल। थुकिइ नं ज्या यायत पासा वयक:या काय् जुजुरत्न हे। वयक:पिं निम्हेसियां परिश्रमं ने.सं. १०३४ सालय् थ्व सफू पिदन। थ्व सफू थानाच्वच्व 'एकांशति प्रज्ञापारमिता' नं संस्कृत श्लोक व नेपालभाषा तथा: ने.सं. १०२९ सालय् पिथनादीगु दु। थ्व सफू नेपालभाषाया न्हापांगु च्वानासफू ख:। उकी 'अष्टसहस्रिका प्रज्ञापारमिता'या दक्कले न्हापांया २१श्लोकया भोगु भाषां भावार्थ च्वयात:गु दु।

निष्ठानन्द बज्राचार्य व ललितविस्तरया बारे आपालं खँ पिदनेधुंकूगु दु। अथेसां आपालं मेमेगु अध्ययन, अनुसन्धान यायगु नं ल्यं दनि। थन ला केवल वयक:या १६३क्व:गु जन्मनिहया लसताय् भावपुर्ण लुमन्ति देखाय् कथं छुं खँ जक न्यथनागु जुल। जीवन पर्यन्त बुद्ध धर्मदेशना व अध्ययन यानादीगुलिं संयोग हे धायमा:, कि बुद्धया जन्म व परिनिर्वाण छन्हुं हे स्वांया पुन्हिकुन्हु ला:थें निष्ठानन्दया जन्म व स्वर्गारोहण नं छन्हुं हे ने.सं. १०५५ थिलाथ्व चौथीकुन्हु जुल। तर वयक: भोगु न्य:ने मद्यधुंकूसां चित्तधर हृदयया कथं वयक:या धर्मानुराग, वयक:या मातृभाषा प्रेमया मूर्तस्वरूप 'ललितविस्तर' सफू भोगु न्य:ने दु। गुगु वर्तमान प्रचलित गद्य शैलीया गुरु ख:।

100% Vegetarian
Sweet Cave
Sweets - Namkeen - Fast Food

Sweet Cave

(जीवन दाईया पसः)
Kalimati, Kathmandu, Nepal
Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस्।
आउटडोर भेज क्याटरीङ पनि गरिन्छ।

आयो नून खाउँ स्वस्थ रहौं

गाउँसम्म आयो, 'आयो नून' यसले लगाचो घरे नून

आयोडिनको कमीबाट हुने विकृतिहरू:

१. गर्भ तुहिन, मुत विरगु जन्मिने, अन्न भन्न भएको विरगु जन्मिने, जन्मेको विरगु चोई मर्न सके।
२. बन्धनरु भण्डा, लाटा, हडिउटा, बाम्बुचक्रे, डेढो आदि हुन सके।
३. पादांग कानोको भई पटक-पटक फेल हुनुको साथै खेरकुदना समेत पछाडि पर्नसके।
४. मस्तिष्क आउने, सुनमनविनि हुने।
५. आयोडिनको कमीले I.Q Level कम हुने।
६. आयोडिनको कमी भएमा मानिसहरूमा आलस्यन आउने, काम गर्ने क्षमतामा कमी आउने।
७. आयोडिनको कमीबाट गर्भभ्रष्ट हुनु कम हुने।

आयोडिनको कमीबाट हुने विकृतिहरू उपचार गरेर हटाउन सकिने। त्यस्ता विकृति आउन नदिन एकमात्र उपाय आइने देखि आयोडिनयुक्त बालबालिकाको चिन्ह अक्षित पाकेको नून मात्र प्रयोग गर्नु।

साल्ट ट्रेसिङ कन्पेन्शन लिमिटेड
केन्द्रीय कार्यालय: पो.ब.नं.: ४८३, कालिमाटी, काठमाडौं, नेपाल, फोन नं. ४२७०३१५
४२७०१४, ४२७१२०८, फ्याक्स नं.: ९७७-१-४२७१७०४, ४२७१३९५



आनन्दकुटीइ आइसोलेशन दयकेगु तयारी

यैया स्वयम्भुस्थित आनन्दकुटी विद्यापीठया छगू प्रयोगविहिन भवनय आइसोलेशन दयकेगु तयारी तच्चःगु दु । संघीय सांसद जीवनराम श्रेष्ठया पहलय् उगु आइसोलेशन निर्माणया तयारी तच्चःगु खः । श्रेष्ठया सांसद विकास कोषपाखें १ करोड ५० लाख ४० हजार तका फ्यानाः अन हाइ फ्लो अक्सिजनया सुविधालिसें ५० बेडया आइसोलेशन दयकेगु ज्या न्ह्याःगु खः ।

आइसोलेशनय माःगु योगाभ्यासलिसें शारीरिक व्यायाम तर्क यायगु कथं दयकेगु वयकलं धयादिल । आःया लागि ५० बेड आइसोलेशन न्ह्याकाः लिपा माःसा ८० बेडतक व्यवस्था याय फइगु सांसद श्रेष्ठ धयादिल । थुगु आइसोलेशनया लागि स्थानीय रोटीरी क्लब, मनाङ्ग क्लबलिसें यै महानगरपाखें ग्वाहालि दइगु श्रेष्ठ जानकारी बियादिल ।

कर्माचार्ययात रामशेखर लुमन्ति सिरपाः



रामशेखर लुमन्ति सिरपाः साहित्यकार महेन्द्रगोपाल कर्माचार्ययात लःल्हाःगु दु । रामशेखर लुमन्ति दबूया ग्वसालय् जुगु ज्याइवलय् तिलक प्रकाश कायस्थं साहित्यकार कर्माचार्ययात सिरपाः लःल्हानादिल । कायस्थं पुरस्कृत

साहित्यकार कर्माचार्य तका सिरपाःलिसें हनापौ लःल्हानादिल । ने.सं. ११३९ य पिरंगु भिगू कृतिमध्य च्चिम कर्माचार्यया 'इलं न्यंगु न्ह्यसः' दकलय् च्छायवहःगु ल्यज्या पुचःया दुजः मल्ल के सुन्दर व पूर्ण काजि तामाकार धयादिल ।

यैया मू मू सडकय् निद्वः मत तइगु

१ पेजपाखें 'सहरी सौन्दर्य थकाय्त यै महानगरपालिका क्षेत्र दुनेया मू मू सडकय् आधुनिक सडक मत जडान यायत्यनागु दु,' शाक्य धयादिल । 'उपलब्ध श्रोत साधन अले प्रविधियात फक्व छ्यलाः मत जडान याकन न्ह्याकेत व माःकथं विस्तार यासै थवंथवय् समन्वय, सहकार्य याय्त यै महानगरपालिका तयार दु ।'

ज्या नेपाल विद्युत प्राधिकरण याइ । आयोजनाया निर्माण लिपा लँ दयकेगु फुटपाथ लगायतया मर्मतया ज्या सडक विभाग याइगु धाःगु दु । सडक विस्तार जुइफइगु व विस्तारया योजना दुगु सतक लगायत माःगु कथं सतकया पोल तयगु थाय्या अनुमति सडक विभाग बिइगु सहमति जुगु दु ।

स ह म ति प त्र य् यै महानगरपालिकापाखें प्रमुख प्रशासकीय अधिकृत राजेश्वर ज्ञवाली, नेपाल विद्युत प्राधिकरणपाखें कामु कार्यकारी निर्देशक हितेन्द्रदेव शाक्य व सडक विभागया पाखे महानिर्देशक केशवकुमार शर्मा ल्हाःचिं तयादीगु खः । भौतिक पूर्वाधार तथा यातायात मन्त्री वसन्तकुमार नेम्बाङ व यै महानगरपालिकाया मेयर विद्यासुन्दर शाक्यया उपस्थितिइ मन्त्रालयस सहमतिपत्रय् ल्हाःचिं तयगु ज्या जुगु खः । सहमति कथं न्हापागु चरणय् अन्तर्राष्ट्रिय विमानस्थलनिसें नयाँ बानेश्वर, त्रिपुरेश्वर, कालीमाटी, कलंकी लिसंया थासय् करीब १७ करोडया लगानीइ निद्वः मत जडान यायगु ज्या न्ह्यायत्यंगु दु ।

मत तयगु निति यै महानगरपालिका व नेपाल विद्युत प्राधिकरणया मका कथं लगानी यायगु व लगानीया अनुपात यै महानगरपालिका ६० प्रतिशत व नेपाल विद्युत प्राधिकरण ४० प्रतिशत तयगु सहमति जुगु खः । व हे कथं न्ह्यानाच्वंगु आर्थिक दैय नेपाल विद्युत प्राधिकरणया ४० प्रतिशत लगानीया लागि माःगु धेबा यै महानगरपालिका उपलब्ध याकेगु व उगु धेबा मेगु ज्याइवलय् नेपाल विद्युत प्राधिकरण याइगु लगानीइ समायोजन यायगु न सहमतिइ धयातःगु दु । लागत अनुमान तयार यायगु, प्रविधिया छनोट यायगु, खरिद यायगु व निर्माण ज्याया सुपरिवेक्षण यायगु लगायतया

न्हूदँ राष्ट्रिय समारोह समितिं शंखधर सामुदायिक भवनया अवलोकन



नेपाल संवत् न्हूदँ राष्ट्रिय समारोह समितिया पदाधिकारीपिन्स मध्यपुर थिमिइ निर्माण जुयाच्वंगु शंखधर सामुदायिक भवनया अवलोकन याःगु दु । समारोह समितिया नायः रमेश महर्जन नेपाल संवतया प्रवर्तक राष्ट्रिय विभूति शंखधर साख्वाःया नाम चायकातःगु राष्ट्रिय विभूति शंखधर साख्वाः प्रतिष्ठान, सामुदायिक भवनलिसें शंखधर पार्कया नं अवलोकन यानादीगु खः ।

थाय्या मौलिकता ल्यकेगु कुतःकथं विकास निर्माणया ज्या जुयाच्वंगु धयादिल । ज्याभ् वलय् प्रतिष्ठानया निवर्तमान नायः श्यामकृष्ण मानन्धर, न्वकू ज्ञानराम श्रेष्ठलिसें समारोह समितिया सल्लाहकार पुलांम्ह राज्यमन्त्री तीर्थराम डंगोल व दिलीप महर्जनलिसंया ब्बति दुगु खः ।

मध्यपुर थिमि नगरपालिकाया मेयर मदनसुन्दर श्रेष्ठ शंखधर पार्कलिसें थीथी

प्रतिष्ठानया नायः चन्दनकृष्ण श्रेष्ठ प्रतिष्ठानप्रति च्यूताः तयाः अवलोकन याःवःगुलिइ लसता प्वंकुसे सुभाय् देखानादिल ।

अनलाइन डिक्सनरीया बिमोचन

नेपालभाषाया अनलाइन डिक्सनरी सार्वजनिक जुगु दु । हलि नेवाः दबूपाखें फेसबुक लाइभ ज्याइवः यासै नेपालभाषाया अनलाइन डिक्सनरी सार्वजनिक याःगु खः । दबूपाखें भर्चुअल रुप याःगु ज्याइवलय् यै महानगरपालिकाया मेयर विद्यासुन्दर शाक्य डिक्सनरीया बिमोचन यानादिल ।

ज्याइवलय् अनलाइन डिक्सनरी खँवः मुकामि अमेरिकाय् च्चनाच्वंम्ह दिपेश शाक्य डिक्सनरीइ आः तक्क ५०७ खँवः दुथ्याय्धुकुगु जानकारी ब्युसें लिपा मेमेगु खँवः तनावनेगु धयादिल । अथे हे, यै महानगरया मेयर शाक्य न्हापा हलिं नेवाः दबूया तःमुंज्याय् ग्वाहालि यानागु लुमंकुसे दबूया मेमेगु ज्याइवलय् नं सहकार्य याना वनेत थः तयार दुगु धयादिल । दबूया केन्द्रीय नायः सिजन श्रेष्ठ यै महानगरपालिका थःगु महानगर दुनेया ब्वनेकुथिइ नेपालभाषा ब्वकेगु निर्णय याःगुलिइ लसता प्वंकुसे मेमेगु स्थानीय सरकारं नं थुकियात निरन्तरता बीगु विश्वास प्वंकादिल ।

जिवनरामपाखें सितापाईलाय् श्रृजना कलेज भवनया शिलान्यास

सामुदायिक शिक्षण संस्था श्रृजना कलेज अफ फाइन आर्टसया भवनया शिलान्यास जुगु दु । संघीय सांसद जीवन राम श्रेष्ठ नार्गाजुन नगरपालिका वडा न. ५ छोकडोल सितापाईलाय् कलेज भवनया शिलान्यास यानादिल । निगू रोपनी क्षेत्रफलय् दयकेत्यंगु भवनया कुल लागत ५ करोड ५० लाख धयातःगु दु । थुगु भवन दयकेत यै महानगरपालिका व युजिसिपाखें ग्वाहालि जुइत्यंगु दुसा मगाःगु धेबा संघीय व प्रदेश सरकारपाखें ग्वाहालिया अपेक्षा दुगु कलेज संचालक समितिया नायः मनमोहन श्रेष्ठ धयादिल ।



सांसद श्रेष्ठ कला बिधाय् गैर नाफामुलक समुदायपाखें न्ह्यानावःगु छगू जक कलेज श्रृजना कलेज खःगु धयादिल । राष्ट्रयात म्हसीकेत संस्कृति, सम्पदा व इतिहासयात संरक्षण यानाः कला व संस्कृतियात ल्यंका

तयत पलाः न्ह्याकेमाःगु सांसद श्रेष्ठ धयादिल । ज्याइवलय् नार्गाजुन नगरपालिकाया उपमेयर सुशिला अधिकारी, वडा न. ५ या अध्यक्ष

महेश रिमाल लिसें संचालक समितिया पदाधिकारी अले स्थानीय जनसमुदायया उपस्थिती दुगु खः ।

सुरज नापितया निपु नेवाः म्युजिक भिडियोया पितब्वज्या

कलाकार सुरज नापितया नेपालभाषाया निपु म्युजिक भिडियोया छक्कल पितब्वज्या जुगु दु । यलय् जुगु छगू ज्याइवलय् कलाकार सुरज हे अभिनयलिसें निर्देशन यानातःगु म्युजिक भिडियो 'छंगु हिंसि दुगु ख्वाः' व 'ए जि यःम्ह तिमिला' सार्वजनिक जुगु खः ।

ज्याइवलय् न्हापांम्ह नेवाः म्युजिक भिडियो निर्देशक लिसें वरिष्ठ सिनेपत्रकार विजयरत्न असंबरे नेपालभाषा संगीत ख्यः आः आर्थिक रुप क्वात्तया वनेमाःगु खँव बः बियादिल । अथे हे वरिष्ठ कलाकार धीरेन शाक्य नेवाः म्युजिक भिडियो नं आः प्राविधिक रुप बांलानावःगु बिचाः तयादिल ।

मस्त गुबलेतक्क शिक्षापाखें वन्चित

१ पेजपाखें खतुं आःया अवस्थाय् संक्रमणया जोखिमया दथुइ सावधानी नालाः सामान्य जीवनय् लिहांवनेगु कुतः यायगु नं अप्वः भुके मेगु विकल्प मदु । थुगु अवस्था आःया लच्छिला वा न्याला खुलां नं सामान्य जुइ थाकूगु हे खनेदु । व ल्याखं थुगु जोखिमलिसे संघर्ष यायगु जक मखु, थः मस्तयत संघर्ष यायगु स्यनेमाःगु आवश्यकता नं खः ।

वस्तुपाखें नं संक्रमण छँय दुहांवइगु सम्भावना नं मदुगु मखु । थज्याःगु अवस्थाय् स्कूल मख्वय्वं तुं मस्त जोखिमपाखें सुरक्षित जुगु नं मखु धइगु खःसा स्कूल छ्वय्वं तुं संक्रमण जुया हे छ्वइगु अवस्था नं मखु । थनथाय् अभिभावक व शिक्षकपिनिगु भूमिका महत्वपूर्ण जुइ । थः मस्तयत सुरक्षाया उपायबारे कनेगु, स्यनेगु, सचेत जुइमाःगु अवस्थाया बारे सीकेबीगु ज्या अभिभावकपिन्स नं यायमाल सा स्कूलपाखें नं स्कूल न्ह्याकेगु धइगु मेपिनि मस्तय् जिम्मेवारी कायगु खः धइगु थुइकाः सुरक्षित वातावरणया निति फक्व कुतः यायगु हे खः । मस्तयत शिक्षापाखें वन्चित यानाः न्ह्याबले तयातये ला फइमखु ।

मस्तयत छँय दुने हे तयातःसां जोखिमपाखें पूर्वक हे सुरक्षित धाःसा पक्कां हे मखु । छायाःसां मस्तय् अभिभावक छँय नं पिहांवनाः ज्या यायगु निति जोखिमया सामना याना हे च्वंगु दु । उकिया नापं पिनेया छुं

चोभारय् जेष्ठ नागरिक भवनया शिलान्यास



प्रधानमन्त्री केपी शर्मा ओली देशय् हाकनं राजनीतिक समस्या हय्गु कुतः जुयाच्चंगु धयादीगु दु। किपूया सुन्दरीघाट चोभारय् 'शान्ति सुद्धम्मावासा' जेष्ठ नागरिक आवास गृहया शिलान्यास ज्याइवल्य नवासैं प्रधानमन्त्री ओली सत्य स्वयां स्वार्थ अप्वः जुयावःगु धयादिल।

'भीनेपाःमि बुद्धया अनुयायी खः, भी न्ह्याबलें नं स्वार्थी मजुसे सत्यया पुजारी जुइमाः' ओलीया धापू खः। नेकपा विप्लव पुचलं मोरङमिक्लाजुड्या शिक्षक राजेन्द्र श्रेष्ठयात डकैती शैलीइ स्याःगु धासैं वय्कलं अज्याःगु ज्याखें याइपिन्त सरकारं गुगु नं हालतय् माफी बिइ

फइमखू धयादिल। किपू नगरपालिकाया मेयर रमेश महर्जन न्हय्दया कुतः लिपा थुगु भवन निर्माण जुइत्यंगु जानकारी बियादिल। विहारया प्रमुख नापं परियोजना प्रमुख डा अनुजा गुरुमा नं करिब ३० करोडया लागतय् भवन निर्माण याय्त्तनागु धयादिल।

ज्याइवल्य प्रम ओली व वय्कःया जहान राधिका शाक्य व शहरी विकासमन्त्री कृष्णगोपाल श्रेष्ठ नं भुमीपुजा यानादीगु खःसा संघनायक बोधिसेन महास्थवीरया नं उपस्थिति दुगु खः। प्रम ओलीया जहान राधिका शाक्य जेष्ठ नागरिक भवन दय्केत ५ लाख तका ग्वाहालि नं यानादीगु खः।

संघीय संसदया सर्वोत्कृष्ट संसद सेवा पुरस्कार उपसचिव कमला शाक्ययात



संघीय संसदया सर्वोत्कृष्ट संसद सेवा पुरस्कार संघीय संसद सचिवालयय् ज्यायाइम्ह उपसचिव कमला शाक्ययात लल्हागु दु। १४ क्वःगु संघीय संसद सेवा दिवसया लसताय् आइतवाः छगु ज्याभ्वःया दथुइ सभामुख अग्निप्रसाद सापकोटा व राष्ट्रिय सभाया अध्यक्ष गणेशप्रसाद तिमिल्सिना उपसचिव शाक्य छगु लख नगद राशिया सर्वोत्कृष्ट संसद

सेवा पुरस्कार लल्हागु खः। अथेहे, उत्कृष्ट संसद सेवा पुरस्कार कम्प्युटर अधिकृत जगदिश न्यौपानेयात लल्हागु खः। थुगु पुरस्कारया राशि ७५ हजार राशियाःगु खः। संघीय संसद सेवा पुरस्कारपाखे सवारी चालक कृष्ण रानामगर व कर्मचारी बालकृष्ण न्यौपानेयात लल्हाःगु खः। थुगु पुरस्कारया राशि ५० हजार याःगु खः।

संघीय संसद महासचिवया अध्यक्षताय् समिति पुरस्कारया लागि कर्मचारीया नां सिफारिस यायेगु व सभामुख अध्यक्ष दुगु व्यवस्थापन समिति पुरस्कार काइपि कर्मचारीया नां ल्यःगु खः धका संघीय संसदया महासचिव भरतराज गौतम जानकारी बिःगु खः।

संघीय संसद सचिवालयलं थीथी ज्याभ्वःयासे '१४ क्वःगु संघीय संसद सेवा दिवस- २०७७' हःगु खः। २०५८ मंसिर २८ गते संसद सेवायात निजामती सेवापाखे अलग यासे संसद सेवा ऐन जारी जुगु दिना लसताय् २०६३ मंसिर २८ गतेनिसे संसद सेवा दिवस हना वयाच्चंगु खः।

२०५८ निसे २०६३ या दथुइ संसद हे मद्दुगु कारण संसद सेवा दिवस महःगु खः।

भित्तुना दम्माना



थुगु वाःपौया भिचितामि व ग्वाहलिमि

भाषासेवी लक्ष्मीदास मानन्धर

xj/fh l; /kfm

पाखें सम्मानित जुयादिगुलिं वय्कःयात आपालं भित्तुना देछारें

वय्कःया भिउँसाय व ताःआयुया कामना यानाच्चवना।

लहना

लहना वाःपौ, सकल जः



कोरोनाया महामारी सुरक्षित मुइत लकडाउनया पूर्ण पालना खावादिसे लकडाउनया अवलम्ब राहत ताःसा, एम्बुलेन्स ताःसा वा खुं वं कर्षया उवाहालि ताःसा लवच बिचातइगु फोन नम्बरय् स्वायु तवादिसे

एम्बुलेन्सया निति :- १०२

राहत व मेमेगु ग्वाहालिया निति : टोल फ्री नं. ११८० व ११३१



सेमिनार वा कार्यक्रमया नितिं लञ्च बक्सया डोर टु डोर सर्भिस याय्गु नं व्यवस्था दु। नापं स्पेशल कुल्फी व बर्थ डे केक नं उपलब्ध दु।



बिगबेल
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323